

ხ ე ლ შ ე კ რ უ ლ ე ბ ა

თვითმმართველი ქალაქის - ბათუმის და ხელვაჩაურის მუნიციპალიტეტის ადმინისტრაციულ საზღვრებში არსებულ ტერიტორიაზე მცხოვრებ სოციალურად დაუცველი ფენისათვის კვებით უზრუნველყოფის მიზნით სახელმწიფო შესყიდვის ერთობლივად განხორციელების თაობაზე

ქ. ბათუმი

„20 “ „ნოემბერი“ 2013 წ.

პრეამბულა:

„სახელმწიფო შესყიდვების შესახებ“ საქართველოს კანონის მე-9 მუხლის „1“ პუნქტისა და სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-4 მუხლის შესაბამისად შემსყიდველ ორგანიზაციათა შეთანხმებით შესაძლებელია ტენდერის საშუალებით სახელმწიფო შესყიდვის ერთობლივად განხორციელება.

აღნიშნულის შესაბამისად, მხარეები ადასტურებენ, რომ:

ა) ხელვაჩაურის მუნიციპალიტეტის გამგეობის მიერ სოციალურად დაუცველი ფენის უფასო კვებით უზრუნველყოფის მიზნობრივი პროგრამით სარგებლობდა 90 ბენეფიციარი. „ერთი მხრივ, თვითმმართველ ქალაქ ბათუმსა და ხელვაჩაურის მუნიციპალიტეტს და მეორე მხრივ, თვითმმართველ ქალაქ ბათუმსა და ქობულეთის მუნიციპალიტეტს შორის ადმინისტრაციული საზღვრების შეცვლის თაობაზე“ საქართველოს პარლამენტის 2011 წლის 14 ივნისის დადგენილების შესაბამისად თვითმმართველი ქალაქი - ბათუმის საზღვრებში მოქცეულ ტერიტორიაზე მოექცა 69 ბენეფიციარი. შესაბამისად, ხელვაჩაურის მუნიციპალიტეტის გამგეობას სოციალურად დაუცველი ფენის უფასო კვებით უზრუნველყოფის მიზნით დარჩა 21 ბენეფიციარი. 21 ბენეფიციარზე კი ხელვაჩაურის მუნიციპალიტეტის გამგეობის მიერ სოციალურად დაუცველი ფენის უფასო კვებით უზრუნველყოფის მიზნით შესყიდვის დამოუკიდებელი პროცედურების განხორციელება გაუმართლებელია;

ბ) სოციალურად დაუცველი ფენის უფასო კვებით უზრუნველყოფა წარმოადგენს საზოგადოებრივ მომსახურებას, რომლის შესყიდვაც უნდა განხორციელდეს „სახელმწიფო შესყიდვების შესახებ“ საქართველოს კანონის შესაბამისად ტენდერის გზით, რის გამოც მიზანშეწონილია სოციალურად დაუცველი ფენის უფასო კვებით უზრუნველყოფა განხორციელდეს თვითმმართველი ქალაქი - ბათუმისა და ხელვაჩაურის მუნიციპალიტეტის მიერ ერთობლივი შესყიდვის განხორციელების გზით.

ყოველივე აღნიშნულის გათვალისწინებით, ერთის მხრივ, თვითმმართველი ქალაქის - ბათუმის მერია, წარმოდგენილი აღმასრულებელი ორგანოს ხელმძღვანელის, თვითმმართველი ქალაქის-ბათუმის საკრებულოს თავმჯდომარის ირაკლი ჩავლეიშვილის სახით და მეორეს მხრივ ხელვაჩაურის მუნიციპალიტეტის გამგეობა,